

**ALL INDIA RADIO  
RNU : KOLKATA  
BENGALI TEXT BULLETIN**

**DATE :24-03-2018**

**TIME : 07.35AM**

বিশেষ বিশেষ খবর :-

১) এ রাজ্য থেকে রাজ্যসভার পাঁচটি আসনের নির্বাচনে প্রত্যাশিতভাবেই তৃণমূল কংগ্রেসের চারজন এবং কংগ্রেসপ্রার্থী অভিষেক মুনসিংগি বিজয়ী হয়েছেন। দুই তৃণমূল কংগ্রেস বিধায়কের ভোট বাতিল হয়ে যায়।

২) আসন্ন পঞ্চায়েত নির্বাচনে মনোনয়নপত্র দাখিলের সময় প্রশাসনকে আইন শৃঙ্খলার দিকে কড়া নজর রাখতে বলা হয়েছে।

৩) রাজ্যসরকার দশহাজার পদে নিয়োগ ও ঝাড়গ্রামে তিনটি মহকুমা তৈরীর সিদ্ধান্ত নিয়েছে।

৪) রাজ্যে রোহিঙ্গা মুসলিমদের অনুপ্রবেশ রুখতে বিজেপি কেন্দ্রের কাছে হস্তক্ষেপের দাবী জানিয়েছে।

৫) মালদার কালিয়াচক থেকে চারলক্ষ টাকার জাল নোট উদ্ধার হয়েছে।

\*\*\*\*\*

এরাজ্য থেকে রাজ্যসভার ৫টি আসনে গতকাল ভোট নেওয়া হয়। প্রত্যাশা মতই তৃণমূল কংগ্রেসের চার প্রার্থী বিজয়ী হয়েছেন। পঞ্চম আসনে তৃণমূল কংগ্রেসের সমর্থনে কংগ্রেস প্রার্থী অভিষেক মনুসিংহি জয়ী হয়েছেন। ভোট গণনার শেষে দেখা যায়, তৃণমূল কংগ্রেসের শুভাশিস চক্রবর্তী সর্বোচ্চ ৫৪টি ভোট পেয়েছেন। নাদিমূল হক এবং আবীর বিশ্বাস পেয়েছেন ৫২টি করে ভোট। ডঃ শান্তনু সেন পেয়েছেন, ৫১টি ভোট। পঞ্চম আসনে কংগ্রেসের অভিষেক মনুসিংহি ৪৭টি ভোট পেয়েছেন। বাম প্রার্থী রবীন দেব পেয়েছেন, ৩০টি ভোট। দুজন বিধায়ক মৃগেন মাইতি ও জাকির হোসেনের ভোট বাতিল হয়ে যায়।

বিজেপি-র তিন এবং দলবদলকারী দুই বাম বিধায়ক গতকাল ভোট দেন নি। গোখা জনমুক্তি মোর্চার তিন বিধায়ক তৃণমূল কংগ্রেসকে ভোট দিয়েছেন।

উল্লেখ্য, বর্তমান বিধানসভায় তৃণমূল কংগ্রেসের ২১১, কংগ্রেসের ৪২, এবং বামদেবের ৩২ জন বিধায়ক আছেন। তবে, দুই বাম বিধায়ক তৃণমূল কংগ্রেসে যোগ দিয়েছেন। গতকাল ২৮৮ জন বিধায়ক তাদের ভোটাধিকার প্রয়োগ করেন।

\*\*\*\*\*

রাজ্যের পাঁচটি আসনের জন্য আজ রাজ্যসভা নির্বাচনে তৃণমূল কংগ্রেসের যে দু'জনের ভোট বাতিল হয়েছে, দল তাদের সহজভাবে দেখবে না বলে দলের মহাসচিব ও পরিষদীয় মন্ত্রী পার্থ চট্টোপাধ্যায় জানিয়েছেন। আজ বিধানসভায় সাংবাদিকদের তিনি বলেন, আজকের নির্বাচনে বিধায়ক জ্যোতিপ্রিয় মল্লিক দলের পক্ষে পর্যবেক্ষক ছিলেন। তার রিপোর্ট হাতে আসার পরেই ওই দুই বিধায়ককে দলের তরফে ডেকে এই বিষয়ে জিজ্ঞাসাবাদ করা হবে।

\*\*\*\*\*

আসন্ন ত্রি-স্তর পঞ্চায়েত নির্বাচনে সব দলের প্রার্থীরা যাতে সহজে বিনা বাধায় মনোনয়নজমা দিতে পারে রাজ্য নির্বাচন কমিশন প্রশাসনকে তা সুনিশ্চিত করার নির্দেশ দিয়েছে। এজন্য মনোনয়ন পত্র দাখিলের সময় প্রশাসনকে আইনশৃঙ্খলার দিকে কড়া নজর রাখার নির্দেশ দেওয়া হয়েছে। নির্বাচনের প্রস্তুতি নিয়ে রাজ্য নির্বাচন কমিশনার অমরেন্দ্র কুমার সিং গতকাল আলাদাভাবে উত্তর ও দক্ষিণবঙ্গের সব জেলার জেলাশাসক, পুলিশ সুপার, পুলিশ কমিশনারদের সঙ্গে বৈঠকে এই নির্দেশ দেন। নির্বাচনের প্রস্তুতি নিয়ে আগামী সোমবার কমিশনারের,

রাজ্যের মুখ্যসচিব, স্বরাষ্ট্রসচিব, রাজ্যপুলিশের মহানির্দেশক ও অতিরিক্ত মহানির্দেশক(আইনশৃঙ্খলা) সঙ্গে বৈঠক করার কথা রয়েছে ।

\*\*\*\*\*

মুখ্যমন্ত্রী মমতা ব্যানার্জীর পৌরহিত্যে রাজ্য মন্ত্রিসভার বৈঠকে গতকাল বেশ কয়েকটি গুরুত্বপূর্ণ সিদ্ধান্ত হয় । ১০হাজারেরো বেশি পদে কর্মী নিয়োগের সিদ্ধান্ত হয়েছে ।

উত্তরবঙ্গের জলপাইগুড়ি জেলায় ভুটানের কাছে জয়গাওতে প্রায় ৩৬৯ একর জমির একটা বড় অংশ জবরদখল হয়ে ছিল বাসিন্দারা জমির বৈধ নথি না থাকায় ব্যাঙ্ক ঋণের সুযোগ পাচ্ছিলেন না । এদিন মুখ্যমন্ত্রীর নেতৃত্বে মন্ত্রিসভায় বৈঠকে ওই দখলদারদের দীর্ঘমায়াদী লিজে জমির নথি দেওয়ার সিদ্ধান্ত হয় ।

এছাড়া, রাজ্যের আইন, নারী ও শিশু কল্যাণ, স্বরাষ্ট্র ও পর্বত-বিষয়ক শিক্ষা প্রভৃতি বিভাগে শূন্য পদে ৩৬৭৩ জনকে নিয়োগের সিদ্ধান্ত নেওয়া হয় । পুলিশের নানা স্থানে নিয়োগ হবে ৫৩০০ কনস্টেবল, ৮০০ জন সাব-ইন্সপেক্টর। এরমধ্যে ১০ শতাংশ সংরক্ষিত রাখা হবে মহিলাদের জন্য । নতুন তৈরী ঝাড়গ্রাম সদর, বেলপাহাড়ি এবং গোপিবল্লভপুরে তৈরী হবে তিনটি মহকুমা । এড়াড়া উপজাতি

উন্নয়ন বিভাগ অস্থায়ী কর্মীদের ভাতা বৃদ্ধির সিদ্ধান্ত হয়েছে। অনেকের ভাতা ছিল এক হাজার টাকা। তারা পাবেন সাড়ে তিন হাজার টাকা করে। যাঁরা দু-হাজার রাকা করে পেতেন তাঁরা পাবেন পাঁচ হাজার টাকা করে। পরিষদীয় মন্ত্রী পার্থ চট্টোপাধ্যায় পরে সাংবাদিকদের বলেন.....বাইট.....।

\*\*\*\*\*

আজ রাত সাড়ে আটটা থেকে সাড়ে ন'টা পর্যন্ত আর্থ আওয়ার পালন করা হবে। পরিবেশকে বাঁচাতে এটি হলো বিশ্বের বৃহত্তম তৃণমূল স্তরের আন্দোলন। বিশ্বের প্রায় ১৭৮টি দেশ এতে যোগ দেবে। এই একঘণ্টা সময় সারা বিশ্বের মানুষ, জলবায়ু পরিবর্তন মোকাবিলায় অনাবশ্যিক বাতি বন্ধ রাখবেন।

\*\*\*\*\*

এরাজ্যে রোহিঙ্গা মুসলিমদের অনুপ্রবেশ রুখতে রাজ্য বিজেপি কেন্দ্রীয় সরকারের কাছে বিষয়টি নিয়ে হস্তক্ষেপের দাবি জানিয়েছে। দলের রাজ্য সভাপতি দিলীপ ঘোষ রোহিঙ্গা ইস্যুতে গতকাল কলকাতার রেড রোডে আয়োজিত এক অবস্থান বিক্ষোভ সমাবেশে বলেন, শাসক তৃণমূল কংগ্রেসের সমর্থনে বাংলাদেশের টাকা ও কক্সবাজার থেকে রোহিঙ্গারা রাজ্যে অনুপ্রবেশ করছে। এরপরে তাদের দক্ষিণ ২৪

পরগণার বিভিন্ন জায়গায় আশ্রয় দেওয়া হচ্ছে বলেও তিনি অভিযোগ করেন । রোহোঙ্গারা সন্ত্রাসমূলক কাজের সঙ্গে যুক্ত বলো তাঁর অভিযোগ । এই বিষয়ে দল প্রধানমন্ত্রী ও স্বরাষ্ট্রমন্ত্রী রিপোর্ট পাঠিয়েছে বলেও তিনি জানিয়েছেন । এই নিয়ে তারা আদালতে যাবেন বলে দিলীপবাবু জানান ।

\*\*\*\*\*

মাধ্যমিকে প্রশ্নপত্র ফাঁসের ঘটনায় ময়নাগুড়ির অভিযুক্ত প্রধান শিক্ষক হরিদয়াল রায় গতকাল কলকাতায় মধ্য শিক্ষা পর্ষদের কার্যালয়ে হাজির হন । বেলা দু'টো নাগাদ তাঁর শুনানী গ্রহণ শুরু হয়। প্রায় ৫ঘন্টা ধরে টানা তাকে জিজ্ঞাসাবাদ ও তাঁর বয়ান রেকর্ড করা হয় । বিদ্যালয় পরিদর্শক বিশ্বনাথ ভৌমিক সহ আরো কয়েকজনকে গতকাল পর্ষদে ডেকে পাঠানো হয় । তাঁদের বক্তব্য নথিভুক্ত করা হয়। পরীক্ষা শুরু আগেই প্রশ্নপত্র বের করে নিয়ে শিক্ষকদের দিয়ে উত্তর লিখিয়ে নেওয়া হয় বলে অভিযোগ উঠেছে । শুনানীর শেষে সিদ্ধান্তগ্রহণ স্থগিত রাখা হয় । মধ্যশিক্ষা পর্ষদের প্রশাসক কল্যাণময় গঙ্গোপাধ্যায়

বলেছেন, সবার বক্তব্য বিচার বিবেচনা করা হবে এবং ব্যবস্থা নিতে সপ্তাহখানেক সময় লাগবে ।

\*\*\*\*\*

বঙ্গীয় শিক্ষক ও শিক্ষাকর্মী সঙ্ঘ মাধ্যমিকে প্রশ্নপত্র ফাঁসে অভিযুক্ত শিক্ষকের শাস্তির বাদিতে কোচবিহার জেলা মাধ্যমিক বিদ্যালয় পরিদর্শককে গতকাল স্মারকলিপি দেয় । মাধ্যমিকের প্রশ্নপত্র ফাঁস করে পরীক্ষা ব্যবস্থাকেই প্রহসনে পরিণত করা হয়েছে বলে তাঁদের অভিযোগ ।

\*\*\*\*\*

আদিবাসীদের মৌলিক অধিকার রক্ষা, আদিবাসী ভাষায় সাংবিধানিক স্বীকৃতি, অলচিকি লিপিতে পঠন-পাঠন ও মহিলাদের ওপর নির্যাতন রোধের দাবিতে গতকাল দক্ষিণ দিনাজপুর জেলা জুড়ে আদিবাসী সেঙ্গেল অভিযান এক বিক্ষোভ সমাবেশের আয়োজন করে । প্রায় ৫০টি গাড়িতে হাজার খানেক আদিবাসীর এই র্যালি বুনিয়াদপুর থেকে শুরু হয়ে গঙ্গারামপুর, তপন, বালুরঘাট শহর পরিক্রমা করে । ত্রিমোহিনী পতিরাম হয়ে কুমারগঞ্জে গিয়ে শেষ হয় । সংগঠনের সভাপতি বিভূতি

টুডু জানিয়েছেন, আদিবাসীদের ওপর নির্যাতন ও হেনস্তার প্রতিবাদে ও একগুচ্ছ দাবীতে এই র্যালির আয়োজন করা হয় ।

র্যালিকে কেন্দ্র করে নিরাপত্তা জোরদার করা হয়েছিল ।

\*\*\*\*\*

গরম পড়তেই পুরুলিয়া জেলায় জলের সঙ্কট শুরু হয়েছে । জল না পাওয়ার অভিযোগে গতকাল পুঞ্চাবাজারে, মানবাজার পুঞ্চারোড অবরোধ করে একদল মহিলা বিক্ষোভ দেখান । পরে মহকুমা শাসকের হস্তক্ষেপে অবরোধ ওঠে ।

\*\*\*\*\*

পশ্চিম বর্ধমানের আসানসোলার ভানোরা খোলামুখ খনিতে গতকাল থেকে জমি নিয়ে প্রতিশ্রুতি মতো ক্ষতিপূরণ বা চাকরি না দেওয়ার অভিযোগে জমিদাতারা খনির কাজ বন্ধ করে দিয়েছে । এরজেরে গতকাল থেকে ওই খনিতে কয়লা উৎপাদন বন্ধ হয়ে গেছে ।

\*\*\*\*\*

মালদার কালিয়াচকের সুজাপুর বাসস্ট্যান্ড এলাকায় অভিযান চালিয়ে সিআইডি চারলক্ষ টাকার জাল নোট উদ্ধার করেছে । এগুলি সবই



দু'হাজার টাকার । এই ঘটনায় মহিবুব রহমান এবং আমিন হুসেন নামে কালিয়াচকের দুই বাসিন্দাকে গ্রেপ্তার করা হয়েছে ।

\*\*\*\*\*

নদীয়ার রাণাঘাটের রবীন্দ্র ভবনে ডেঙ্গু এবং সেফ ড্রাইভ, সেভ লাইভ নিয়ে স্কুলের পড়ুয়াদের সচেতন করতে এক কর্মশালার আয়োজন করা হয় । রাণাঘাট মহকুমা এলাকার শিক্ষকরা এই কর্মশালায় যোগদান করেন ।

\*\*\*\*\*

অলিম্পিয়ান সৌমজিৎ ঘোষের বিরুদ্ধে ধর্ষণের অভিযোগে তদন্ত চলায় সর্বভারতীয় টেবিল-টেনিস ফেডারেশন টি.টি.এফ.আই তাকে সাসপেন্ড করেছে । এরফলে সে কমন-ওয়েলথ গেমস খেলতে পারবে না ।

উত্তর ২৪ পরগণার বারাসাতের এক তরুণী সৌমজিতের বিরুদ্ধে দর্ষণ ও বিয়ের প্রতিশ্রুতি দিয়ে সহবাসের অভিযোগ করে । সৌমজিতের জায়গায় কমন-ওয়েলথ গেমস দলে সানীল শেঠী ঢুকেছেন ।

\*\*\*\*\*